

庫文官政太	國	和
	八	書
共十冊	函	門

日本後紀

十卷

温古堂藏

日本後紀卷第五 起延曆十五年七月盡十六年三月

左大臣正三位兼行左近衛大將臣藤原朝臣冬嗣等奉勅撰

皇統彌照天皇 桓武天皇

秋七月丙申御馬埽殿觀相撲戊戌幸南院賜

五位已上物有差無品朝原内親王授三品從

四位上五百井女正四位下正五位下高嶋

女正五位上從四位上藤原朝臣雄友正四

位下從五位下石上朝臣宅子從五位上外從



五位上物部多藝連建麻呂為造宮大工外從五位下秦忌寸都岐麻呂為少工^{十六}乙巳右大臣正二位兼行皇太子傅中衛大將藤原朝臣繼繩薨遣使監護喪事葬事所須令官給焉詔賜從一位繼繩者右大臣從一位豐成之第二子也天平寶字末授從五位下為信濃守天平神護初叙從五位上尋授從四位下拜參議寶龜二年餘叙正四位上十一月授從三位歷大藏

卿左兵衛督俄拜中納言天應元年授正三位延曆二年轉大納言五年叙從二位兼中衛大將九年□右大臣授正二位在位七年薨時年七十繼繩歷文武之任居端右之重時在曹司時就朝位謙恭自守政迹不聞雖無才識得免世譏也^{十九}戊申尾張國飢遣使賑給大和國人正六位上大枝朝臣長人河內國人正六位上大枝朝臣氏麻呂正六位上大枝朝臣諸上正七

位下管原朝臣常人從七位上秋篠朝臣全繼
等十一人貫付右京并二辛亥詔曰朕以眇身忝美
司牧日旰忘食憫一物之向隅昧□求衣懼五
行之紊序比來大宰府言肥後國阿蘇郡山上
有沼其名曰神靈池水旱經年未嘗增減而今
無故涸減二十餘丈考之卜筮事主旱疫民之
無辜恐蒙其殃方欲修德施惠消妖拯民其天
下鰥寡惸獨不能自存者量加賑給兼令每寺

三日齋戒讀經悔過庶恤隱之感格於上天靈
應之徵被於率土焉生江臣家道女迎送於本
國家道女越前國足羽郡人常於市鄽妄說罪
福眩惑百姓世号曰越優婆夷并四造宮職官
位准中宮職但大属特為七位官丁巳從三位
神王正三位紀朝臣古佐美為大納言正四位
下石川朝臣真守大中臣朝臣諸魚授正四位
上從四位上藤原朝臣内麻呂從四位下和朝

臣家麻呂正四位下八月己未朔日有蝕之^六甲子大和國山崩水溢東大寺墻垣倒頽^七乙丑緣淫雨不晴奉幣於畿內諸^八筑後國滂詔令賑恤丙寅遣使賑給京中百姓以霖雨經日穀價騰躍也^十戊辰遣內兵庫正從五位下尾張連弓張造佐比川橋山城國人正六位上大野朝臣犬養貫付右京^{十六}甲戌上野國山田郡賀茂神義和神那波郡火雷神並為^{廿一}官社己卯巡幸京中

始置正親司史生二員是日勅諸國地圖事迹踈畧加以年序已久^{廿五}字闕逸宜更令作之夫郡國鄉邑騎道遠近名山大川形體廣狹具錄無漏焉^{廿五}癸未幸大藏省賜侍臣以下布有差^{廿六}丙戌遊獵於登勒野^{廿九}丁亥左兵衛佐從五位上橘朝臣入居為兼右中辨右兵衛佐從五位上秋篠朝臣安人為兼左少辨九月己丑朔勅遷都以來于今三年牡山烽火無所相當非常之備

不可_二整闕_一宜山城河内兩國相共量定便處置
 彼烽燧_五癸巳從五位上阿保朝臣人上為陰陽
 頭播磨守如故丙申山城國紀伊郡陸田二町
 賜典侍從四位上和氣朝臣廣虫_{十五}癸卯越前國
 坂井郡公田二町荒田八十四町賜諱_{淳和太}
 上_{天皇}戊申山城國葛野郡公田二町賜從三位和氣
 朝臣清麻呂_廿己酉遊獵于栗前野_{廿七}卯山城國
 人正六位下御犬連廣額等賜姓御坂連冬十

月己未正六位上御長真人廣岳等歸自渤海
 國其王啓曰嵩璘啓差使奔波貴申請禮佇承
 休眷瞻望徒勞天皇頓降敦私貺之使命佳問
 盈身珍奇溢目俯仰自欣伏增慟悅其定琳等
 不料_二遘虜_一被陷賊場俯垂恤存生還本國奉惟
 天造去留同賴嵩璘猥以寡德幸屬時來官羨
 先爵土統舊封制命策書冬中錫及金印紫綬
 遼外光輝思欲修禮勝方結交貴國歲時朝覲

桅帆相望而巨木掄材土之難長小舩沉海不
沒即危亦或引海不譜遭罹夷害雖慕盛化如
艱阻何儻長尋舊好幸許來往則送使數不過
升以茲為限式作永規其隔年多少任聽彼裁
裁定之使望於來秋許以往期則德隣常在事
與望異則足表不依其所寄絹廿匹絕廿匹絲
一百絢綿二百屯依數領足今廣岳等使事略
畢情求迨時便欲差人送使奉諭新命之恩使

等辭以未奉本朝之旨故不敢淹滯隨意依心
謹日廻次奉付土物具在別狀自知鄙薄不勝
羞愧辛酉正六位上御長真人廣岳授從五位
下正六位上桑原公秋成外從五位下並以奉
使稱旨也壬戌遊獵於大原野始置典藥寮史
生四人造酒司史生二人癸亥遊獵于紫野賜
五位己上衣丙寅遊獵於日野賜五位己上衣
戊辰造宮職竿師為從八位官辛未始置主鷹

司史生二人^{十五}壬申先是渤海國王所上書疏體
無定例詞多不遜今所上之啓首尾不失禮誠
款見乎詞羣臣上表奉賀曰臣神等言臣聞大
人馭時以德為本明王應世懷遠是崇故有殷
代則四海歸仁周日則九夷順軌伏惟天皇陛
下仰天作憲握地成規窮日域而慕聲布風區
而向化誠可以孕育千帝卷懷百王者矣近者
送渤海客使御長廣岳等迴來伏見彼國所上

啓辭義溫恭情禮可觀悔中間之迷圖復先祖
之遺跡况復緣山浮海不顧往還之路難克己
改過始請朝貢之年限與夫白環西貢楛矢東
來豈可同日而道哉臣等幸忝周行得逢殊慶
不任鳧藻之至謹詣闕奉表以聞詔曰獻表波
見行都然卿等^乃勤^之供奉^尔依^之水表乃國
毛順仕^{良之止}所思行之嘉備悅備御坐^此詔
天皇詔旨乎衆聞食宣正四位上日幡造淨成

女卒淨成女元日幡國高草郡之采女也。天皇
特加寵愛終至顯位。癸酉其六志摩國飢遣使賑給。
是日遊獵于登勒野廿二己卯陸奧國博士醫師官
位准少目奉授陸奧國多賀神從五位下。先是
請卅僧一七日於宮中行藥師悔過。是日事畢
焉。甲申廿七從五位上橘朝臣安麻呂為少納言。正
五位上大原真人羨氣為諸陵頭。外從五位下
尾張宿禰弓張為主油正。外從五位下桑原公

秋成為大和介。正五位下巨勢朝臣野足為下
野守。從五位下多治比宿禰真淨為肥後介。從
五位下三諸朝臣綿麻呂為近衛將監。從五位
下藤原朝臣最乙麻呂為內兵庫正。近衛少將
從四位下坂上大宿禰田村麻呂為兼鎮守將
軍。□為軍監。定鼓吹司吹部号。置負卅四
人。初大寶降。或注吹人。或著角吹。或稱番上。或
号吹部。名既不定。數亦無限。今定名吹部。准雅

樂寮雜色生乃聽勘籍焉十一月戊子朔曲宴
賜侍臣已上被己丑遊獵於北野河内國志紀
郡荒田一町賜正七位下秋篠朝臣清野陸奧
國伊治城玉造塞相去卅五里中間置驛以備
機急辛卯陸奧國人從五位下道嶋宿禰赤龍
貫于右京壬辰賜故右大臣贈從一位藤原朝
臣繼繩度七人外正六位上上毛野朝臣益成
吉彌侯部弓取臣勢部楯分大伴部廣掎尾張

連大食授外從五位下以戰功也乙未詔曰周
朝撫曆肇開九府之珎漢室膺期爰設三官之
貨用能遷有無以均利通□夷而得宜濟民之
要須乃益國之嘉策然而□機適時賢哲所以
成務權輕作重母子於是並行項者私鑪滋起
奸鑄紛然施之交關既為輕賤宛之貯蓄不堪
寶用即欲禁止卒誰懲清事須平量以救流弊
是以更制新錢仍增其直文曰隆平永寶宜以

新錢一當舊錢十。新舊兩色兼使行用。但舊錢者始自來歲限以四年。然後停廢。遣伊勢參河相模近江丹波但馬等國婦女各二人於陸奧國教習養□□以二年。丁酉無位嶋野女王百濟王孝法百濟王惠信和氣朝臣廣子橘朝臣常子紀朝臣內子紀朝臣殿子藤原朝臣川子錦部連真奴等授從五位上無位弓削宿禰美濃人從五位下庚子勅納貢之本任於土宜物

非所出。民以為患。今備前國本無鑿鐵。每至貢調常買比國。自今以後宜停貢鐵。非絹則糸。隨便令輸。辛丑始用新錢。奉伊勢神宮賀茂上下二社松尾社。各施七大寺及野寺。賜皇太子親王已下職事正六位已上僧都律師等各有差。甲辰宴羣臣。賜帛有差。從四位上和氣朝臣廣虫授正四位上。无位藤原朝臣名子從五位上。外從五位下刀佩首廣刀自從五位下。戊申遊

獵於日野發相摸武藏上總常陸上野下野出
羽越後等國民九千人遷置陸奧國伊治城已^{廿三}
酉令天下諸國搜捕逃亡飛驒工若有容隱科
違勅罪安藝國沼田郡采女佐伯直那賀女授
外從五位下丙辰^{廿九}遊獵於栗栖野十二月辛酉^四
從五位下多治比宿禰真淨為內匠頭正四位
下藤原朝臣雄友為兼中衛大將參議大藏卿
如故從四位下三嶋真人名繼為左衛士督從

五位下藤原朝臣清主為內匠頭從五位下都
努朝臣筑紫麻呂為助外從五位下阿倍安積
臣繼守授外從五位上禁鈐帶以支鑄錢也癸^六
亥大和國十市郡荒田一町賜左衛士督從四
位下三嶋真人名繼丙寅^九詔曰皇親之蔭事具
令條而皇室之胤枝族已衆欲加榮班難可周
及是以進仕無階白首不調眷言於此實合矜
恕宜其四世五世王及五世王嫡子年滿廿一

者叙正六位上。但庶子者降一階叙。自今而後，永以為例。辛未^{十四}，巡幸京中，便御三品朝原內親王第，賜五位以上物。戊寅^{十一}，流出雲臣家繼於土佐國家，繼與叔父乙上，不協謀相傷事，覺及罪。乙上任佐渡權目，不預整務，唯給公廨而已。辛巳^{十四}，少僧都行賀為大僧都。丙戌^{十九}，勅免流人水上川繼課役。陸奧國人外少初位下吉彌候部善麻呂等十二人，賜姓上毛野陸奧公。

十六年春正月戊子朔，皇帝御大極殿受朝賀。大宰府獻白雀，宴侍臣已上於前殿，賜被甲午。宴五位已上，賜束帛有差。從五位上篠嶋王授正五位下，正六位上坂本王安曇王從五位下。從四位下百濟王玄鏡、藤原朝臣乙穀多治比真人海從四位上、正五位下紀朝臣作良、羽粟臣翼、橘朝臣綿裳、正五位上從五位上阿保朝臣人上、藤原朝臣大繼、紀朝臣 正五位

下從五位下藤原朝臣仲成藤原朝臣今川蜷
 淵真人岡田和朝臣入鹿麻呂從五位上外從
 五位上麻田連真淨伊勢朝臣諸人正六位上
 多治比真人道作淡海真人福良麻呂多治比
 真人今麻呂大原真人真福藤原朝臣星雄大
 中臣朝臣諸人紀朝臣永繼粟田朝臣入鹿大
 野朝臣犬養安倍朝臣家守大伴宿禰大關平
 群朝臣廣道田口朝臣息繼百濟王聰哲佐伯

宿禰鷹成石川朝臣道益和朝臣建男安倍小
 殿朝臣野守中臣丸朝臣豐國從五位下正六
 位上錦部連春人民忌寸廣成山口忌寸諸上
 林宿禰沙婆中料宿禰臣都雄外從五位下戊
 戌正六位上槻本公奈五麻呂嵩山忌寸道光
 授外從五位下庚子^{十三}陸奧國白川郡人外□八
 位□大伴部足猪等賜大伴白河連^{ワタリ}亘理郡人
 五百木部黑人大伴亘理連黑河郡人外少初

位上大伴部真守行方郡人外少初位上大伴
部兄人等大伴行方連安積郡人外少初位上
丸子部古佐美大田部山前富田郡人丸子部
佐美小田郡人丸子部稻麻呂等大伴安積連
遠田郡人外大初位上丸子部八千代大伴山
田連磐瀨郡人 大伴宮城連從四位下
三嶋真人名繼為大和守從五位下淡海真人
真直為伊勢介從五位上高橋朝臣祖麻呂為

駿河守從五位下百濟王元勝為安房守從五
位下大野朝臣犬養為上總介大外記外從五
位下中科宿禰臣都雄為兼常陸少掾從五位
下大神朝臣仲江麻呂為美濃介從五位下百
濟王聰哲為出羽守從五位下大枝朝臣真仲
為能登守從五位下石川朝臣道益為但馬介
從五位下安倍朝臣家守為伯耆介從五位下
紀朝臣真賀茂為石見守從五位下石川朝臣

嗣人為備後守外從五位下山口忌寸諸上為
分從五位下巨勢朝臣訓備為安藝守外從五
位下林宿禰沙婆為分從五位下多治比真人
今麻呂為肥後分^{十四}辛丑傳燈大法師位善珠為
僧正傳燈大法師位等定為大僧都傳燈大法
師位施曉為少僧都^{十五}壬寅長岡京地一町賜從
四位下菅野朝臣真道^{十六}癸卯宴五位以上賜祿
甲辰觀射於朝堂院^{十九}丙午遊獵於水生野^廿未

巡幸京中^{廿二}己酉大和國稻三百束施僧正善珠
法師弟子僧慈厚以事師无倦也從五位下粟
田朝臣入鹿為中務少輔外從五位下內藏宿
禰賀茂麻呂為主計助^{廿三}庚戌勅參議已上左右
大辨八省卿委任既高群寮所仰而分帶之國
遙附公文因茲參對諸司事不穩便自今以後
宜停遙附焉賑給壹伎嶋飢民^{廿四}辛亥能登國羽
咋能登二郡没官田并野七十七町賜尚侍從

三位百濟王明信^{十五}壬子遊獵於大原野是日勅山城國愛宕葛野郡人每有死者便葬家側積習為常今接近京師凶穢可避宜告國郡嚴加禁斷若有犯違移貫外國癸丑^{十六}幸近東院宴五位已上賜錢有差甲寅廢阿波國驛家□伊豫國十一土佐國十二新置土佐國吾椅舟川二驛二月丁巳朔巡幸京中賜山城國相樂郡田二町六段為贈右大臣從二位藤原朝臣百川

墓地己未置內厩寮史生四負是日曲宴賜五位已上綿有差辛酉遊獵于北野癸亥^七勅從五位上嶋野女王百濟王孝法百濟王惠信和氣朝臣廣子橘朝臣常子紀朝臣內子紀朝臣殿子藤原朝臣川子錦部連真奴從五位下弓削宿祢美濃人等位田宜准男給之乙丑^九外從五位下內藏宿禰賀茂麻呂為大外記從五位下淨野宿祢最弟為兼縫殿頭左衛士大尉近江

如故外從五位下槻本公奈豆麻呂為內
 藏助從五位下淡海真人福良麻呂為治部少
 輔外從五位下上道朝臣廣成為玄蕃助從五
 位下平群朝臣廣道為主計助參議從四位上
 藤原朝臣真友為兼大藏卿右京大夫如故從
 五位下中臣丸朝臣豐國為主殿助從五位下
 田中朝臣淨人為造酒正大納言正三位勳四
 等紀朝臣古佐美為兼東宮傳式部卿如故文

章博士外從五位下賀陽朝臣豐年為兼學士
 右大辨從四位下藤原朝臣葛野麻呂為兼春
 宮大夫從四位上藤原朝臣乙叡為越前守左
 京大夫中衛大將如故大判事從五位下藤原
 朝臣縵麻呂為兼因幡守正五位下播磨朝臣入
 居為播磨守右中辨左兵衛佐如故從五位下
 多治比宿禰真淨為讚岐介參議正四位下藤
 原朝臣雄友為大宰帥從五位下和朝臣建男

為大尉己巳。先是重勅後四位下行民部大輔兼左兵衛督皇太子學士菅野朝臣真道。後五位上守左少辨兼行右兵衛佐丹波守秋篠朝臣安人外從五位下行大外記兼常陸少掾中科宿祢臣都雄等撰續日本紀。至是而成。上表曰。臣聞三墳五典。上代之風存焉。左言右事。中葉之迹著焉。自茲厥後。世有史官。善雖小而必書。惡雖微而无隱。咸能徽烈。絢緗。垂百王之龜鏡。灼戒昭簡。作千祀之指南。伏惟天皇陛下德光四乳。道契八眉。握明鏡以愬萬機。懷神珠以臨九域。遂使仁被渤海之北。貊種歸心。威振日河之東。毛狄屏息。化前代之未化。臣往帝之不臣。自非魏二盛德。孰能與於此也。既而負宸餘閑。留神國典。爰勅真道等銓次其事。奉揚先業。夫自寶字二年。至延曆十年。卅四年。廿卷。前年勅成奏上。但却起文武天皇元年歲次。丁酉盡

日本後紀卷五

寶字元年丁酉。惣六十一年。所有曹案卅卷。語
多米塩事亦踈漏。前朝詔故中納言從三位石
川朝臣名足。刑部卿從四位下淡海真人三船。
刑部大輔從五位上當麻真人永嗣等。分帙修
撰。以繼前紀。而因循舊案。竟无刊正。其所上者
唯廿九卷而已。寶字元年之紀。全亡不存。臣等
搜故實於司存。詢前聞於舊老。綴叙殘簡。補緝
缺文。雅論英猷。義閑貽謀者。惣而載之。細語常

事。理非書策者。並從略。諸凡所刊削。廿卷并前
九十五年。卅卷始自草創。迄于斷筆。七年於茲。
油素惣畢。其目如別。庶飛英騰茂。與二儀而垂
風彰善。痺惡傳萬葉。而作鑿。臣等輕以管窺。裁
成國史。率愚歷稔。伏增戰兢。謹以奉進。歸之策
府。是日詔曰。天皇詔肯良麻勅久。菅野真道朝
臣等三人。前日本紀與利止以來。未修繼在。留久年
乃御世御世。乃行事乎。勘搜修成。氏續日本紀

冊卷進留勞動美譽美奈所念行須故是以冠
位奉賜治賜波久勅御會乎聞食止宣從四位
下菅野朝臣真道授正四位下從五位上秋篠
朝臣安人正五位上外從五位下中科宿禰臣
都雄從五位下十五辛未勅故從三位勲二等坂上
大宿禰荊田麻呂正四位上勲二等道嶋宿禰
嶋足等寶字之歲平遇不虞奮不顧身共著其
効是以叙勲之日授二等加賜功田廿町並傳

其子而後特以嶋足准之大功所賜之田世二
不絕功既同等賞何殊科疇庸之典恐有未允
宜其嶋足功田依前年勅同傳子之限從五位
下多治比真人八千足為少納言從五位下廣
庭王為侍從兼河內守侍從從五位下大庭王
為兼左大舍人頭讚岐守如故從五位上三諸
朝臣真屋麻呂為右大舍人頭内匠頭從四位
下川村王為兼□□正從五位下藤原朝臣二

起為雅樂頭。後五位下田口朝臣息繼為助。後五位下大伴宿禰大關為主計助。後五位下田中朝臣清人為宮内少輔。後五位下田中大魚為造酒正。後五位下坂本王為園池正。後五位下紀朝臣永繼為左京亮。後五位下橘朝臣嶋田麻呂為春宮亮。後五位下平群朝臣廣道為撰津介。後五位下紀朝臣與手麻呂為土佐守。壬申遊獵於登勒野。是日停給畿内國司

事力并職田。癸酉太政官史生從七位下安都宿禰笠主。式部史生賀茂縣主。立長叙位二階。中務史生大初位下勝繼成。民部史生大初位下別公清成。式部書生無位雀部豐公一階。以供奉撰日本紀所也。甲戌朝原内親王獻物。賜五位已上綿。丙子巡幸京中。丁丑參議左大辨近衛大將兼神祇伯正四位上大中臣朝臣諸魚平諸魚者。故右大臣正二位清麻呂之弟四

子也。寶龜初授後五位下。為衛門負外佐。八年為真擢遷中衛少將兼下野守。至正五位上。延曆中遷式部大輔兼右京大夫。俄授後四位下。拜參議兼近江守。尋授後四位上。為神祇伯兼近衛大將授正四位上。卒時年五十五。諸魚性好琴歌。无他才能。雖在哀制。乘興忘。貧冒財貨。營求產業。時議以此鄙之。戊寅長岡京地二町賜諱。淳和太庚辰後五位下中臣朝臣宅成。

為雅樂助。後五位下田口朝臣息繼為鑄錢次官。甲申勅租稅之本備於水旱錢帛之財。飢而不食。今聞京職多有收錢事。須賤末貴本一絕收錢。但恐民有貧富。不必畜穀。宜聽貧乏之徒進錢。通計不得過四分之一。三月戊子。先是甲斐相摸二國相爭國堺。遣使定甲斐國都留郡。留村東邊砥澤為兩國堺。以西為甲斐國地。以東為相摸國地。己丑宴侍臣奏樂。賜祿有差。

甲午敕畿内國司新至任者皆限八月卅日依式給糧今停職田割租為新收租之後須得其分宜改舊例限十一月卅日丁酉正四位下管野朝臣真道為左大辨東宮學士左兵衛督伊勢守如故參議正四位上石川朝臣真守為兼刑部卿從五位下大伴宿禰大關為春宮大進參議刑部卿正四位下藤原朝臣内麻呂為兼近衛大將參議左京大夫從四位上藤原朝臣

乙穀為兼中衛大將參議正四位下和朝臣家麻呂為兼衛門督傳燈大法師位勝虞如寶並為律師長岡京地五町賜從四位下多治比真人邑刀自同京地一町賜大田親王癸卯信濃國人外從八位下前部綱麻呂賜姓安坂令遠江駿河信濃出雲等國進雇夫二万册人以供造宮役丙午遊獵於北野宴飲奏樂賜四位已上衣正六位上並規忌寸荻麻呂授外從五位

下右京人正七位上乃西他麻呂等賜姓安野
造癸丑廿七甲斐下總兩國飢遣使賑給從四位下
多治比真人繼兄為中務大輔從五位下坂本
王為雅樂頭從五位上笠朝臣江人為民部大
輔信濃守如故從五位下藤原朝臣貞嗣為少
輔外從五位下葛井宿禰松足為主計助從五
位下紀朝臣千世為刑部少輔外從五位下並
槻忌寸荻麻呂為園池正從四位下紀朝臣勝

長為右京大夫左衛士督造東大寺長官美作
守如故從四位下百濟王英孫為右兵衛督乙
卯武藏土佐所飢遣使賑給之

日本後紀卷第五

却起史十八右八却類曹案史十八左一曹類因循

十史八左五循書策類十九右一書庶飛英三庶九右

類史作脩治賜十九左二正四位上廿三左

作鹿處治賜十九左二正四位上廿三左

類史訂治賜十九左二正四位上廿三左

上文訂左京大夫廿二左八延久六年六月

續日本紀貞嗣廿三左五嗣舊延久六年六月

色作色貞嗣廿三左五嗣舊延久六年六月

廿七日未時比校畢本十四字舊

本十四字舊

本十四字舊

本十四字舊

本十四字舊

本十四字舊

本十四字舊

本十四字舊

本十四字舊

